

濟陽縣志卷二十

軼事志

雜記 祥異

有一事一言而於邑之治化倫風關焉者然或涉於誕矣或涉於瑣矣或涉於微渺矣故軼之軼之而未嘗遺也於雜記見人事之著於祥異見天道之徵俯察仰觀可以知天人之理焉志軼事

雜記

雜記者別乎專載而言不龜手或不免世世泝泝統事固有與經學不切得失於世時無關重輕而按之實際或確

濟陽縣志

卷二十

軼事志

雜記

一

有其至理之可尋而耐人紬繹者甚勿以其體近拉雜也而忽諸

宋史曾鞏傳鞏知齊州其治以疾姦急盜爲本曲堤周氏擁貲雄里中子高橫縱賊良民汙婦女服器上僭力能動權豪州縣吏莫敢詰鞏取寘於法

賈媽媽濟陽貧家女也從夫戍遼左夫亡有謀娶者氏守志不從棲關帝廟內念家有老姑晨夕拜禱求重見一夕臥起似夢非夢恍附馬騰空至一地黎明則已抵濟陽南關廟中矣泥馬猶汙里人驚問所從來咸大驚氏感泣拜座下朔望虔奉香火事姑數年卒灑掃廟庭未幾立化殿門左居民裝泥肖之迄今凜



凜如生呼爲賈媽媽廟云

明成化時有數人自河南來各負重囊訪金老於南關謂我鄉去年大旱至七月始雨金老貸我蕎麥種秋大熟特奉償里民曰無是公也彼草舍中金星素有靈倘其人與遂詣廟禱祝忽一冊墜梁間則諸姓名及物數也衆咸悚異爲增修廟宇鑄銅及檀香二像繪其事於壁至今猶存

縣北五里王家村西古廟前有古槐一株植高氏地居民呼曰高老槐崇貞末有自中州相率至其地者謂長髯高老槐翁實濟我麥種今豐登願償之第未知其家於何所居民指曰此卽高老槐也衆驚疑下拜樹間忽墜一紙如其名數衆嗟異備酒醴

濟陽縣志

卷二十一

軼事志

雜記

二

香楮致祭而去按此事與金星廟適相類傳諸父老並記之邑西鄉寶約白楊店有古灣一區約二里許村人荷鍤取土不數尺有一磚池忽有蒼龍騰躍而起頃之陰雲四合驟雨翻盆遂名其地曰龍灣凡遇亢旱往禱累著靈驗至今耆老傳述之但未知始於何時云

王道定明時任北直涿州知州手製一聯懸於南北國門其辭曰日邊衝要無雙地天下繁難第一州由是永免迎送至今任其地者相繼新之

按道定折獄廉明每多出人意表相傳在涿時有馮公子者幼年失怙爲僕從所誘家產蕩然外父周某厭其貧薄



隱欲退婚而其女固未之願也道定偵悉其情將翁婿及女傳集到堂親爲主婚立取裙襠靴帽命一雙新夫婦更換行交拜禮并製駢儷判詞有室鮮千金誰歸茂陵之女家無百輛難御王姬之車等語一時傳爲佳話後馮公子

連科及第累官太傅

據邢其諫撰述王公政績篇增

孟化龍陝西渭南人順治初由舉人知武定州蒞任日視州境凋敝歎曰民貧若此尙堪催科耶未幾入郡返次濟陽夜深自經題詩於壁云薄宦天涯媿此生家園千里夢難成勞心撫字催科拙無限當年卓魯情訃至民皆流涕立祠南門內祀之

張蒿菴尊人行素先生之謁銓也客有過邸中者謂曰君亦知謁

濟陽縣志

卷二十

軼事志

雜記

三

銓之難乎我與君同里雅知君長者願一効其愚君儻有意乎先生應曰謹謝客客意良厚某持一空囊來京師朝夕是急何暇及此客曰吾非利君之有而來也爲目笑而去未幾先生銓得石首驛丞客復來曰尙可爲也出百金可得縣尉又百金可得州簿又二百金可得藩幕歲時從鄉先生後銀鞮朱衣盤辟見縣大夫不已榮乎先生曰謹謝客命實司之亦欲歸耕耳客遂去不復來

摘蒿菴遺事

萊陽蘿石先生庚午入賢書時其叔父元樓翁至濟南看之因過濟陽訪邢慰山先生邢從容問曰君家兩猶子並秀一時究當孰勝曰奮手足邀時會第不如泰若夫嚴氣直情履繩踐墨第



也獨矣當時先生之見信家庭者如此後十五年而盡節乃知此事非取辦臨時者也

靳公維賢自濟陽知縣陞德州知州上任日見山西巡撫楊順坊卽停輿問曰此賊尙未死耶左右曰死矣尙有子孫耶曰微弱不能自立矣曰便宜却老賊卽遣人剔取其銜名以下大書曰殺人媚人奸賊一名楊某押送州獄特作一押牀盛之楊氏子孫皆逃避一時奸豪爲之咋指斂跡公治縣多著能績然疾惡太嚴大致如此所謂殺人媚人蓋沈氏事也尹先之曰此公政是崑銅一輩人故見順如見血讎也又曰順若逢公當飽公老拳公若逢順亦必遭順毒手

濟陽縣志

卷二十

軼事志

雜記

四

呼延贊其子病贊刲股爲羹療之見宋史吾濟陽楊宏度爲子刺血寫經亦頗相類

康熙甲辰夏四月二十三日隕霜殺麥先一日大風霾微雨寒慘如初冬至五夜星月皎然已隕霜矣三日後麥芒漸白掄視但空桴惟近人居者林木下者道旁三四步內者皆成實以近人居氣稍煖林木下得護蔽道旁塵坭滲寒液故也後見王氏農書云晨起田間煨火令煙徹隴畝可以辟霜又聞用人曳長繩往來振麥上亦可免惜當時不及知耳

戊申六月十七日人定後地震城堞壞什之六七民舍亦多圯者曲堤鎮古塔裂墮其半人拾得磚上有墨書三行爲石灰所漫



洗讀之云齊州章邱善戶某人是磚詳其筆跡乃不知書人漫寫者是字或施字之訛按隋時改高唐爲章邱則道宣所爲臨邑城東甄塔是誌公所營者豈他有所指耶抑滅法後人復修補之如近日居民所爲耶姑記之俟博雅君子考焉以上見蒿菴閒話

艾光縉字中夫己酉拔貢原任青城縣教諭父歿時有遺妾金姑閱六百里之遠爲備資斧車輛遣還其父母平時衣飾一無所留其父母見之喜出望外曰願老夫婦死後爲君兒女以報君德閱六年中夫已六十八矣忽夜夢其夫婦同至果雙生男女亦異事也以上見舊志

蒿菴生有至性不第孝行無匱友于之情亦自加人一等其兄弟

凡三與兩弟析產自擇其最下者以仲弟殘疾代爲任賦役終身士論高之嘗於病革時手書遺囑教子姪以世守耕讀忠厚孝友禮讓等事又將生平所著文章詔示諸子各錄一本收藏以待後之君子或有同志者必能爲之傳布又云吾以諸生久次出學復以貧病不能赴京入試旣非太學生又非生員只是田野處士百年後正當斂以處士之服殯以單棺不可厚葬佛事宜遵文公之訓斷不可做又爲後人選定輩行十六字曰

孝睿昭本醇修啟後永世作儀自天篤佑

墨跡存 陳氏

陳福祿濟南城東院後莊窶人子也性耿介不苟得辛巳冬邑歲貢王福五赴省應試道經該處偶遺書卷及包裹於路雖所值



無多惟恐落於牧豎之手污穢可惜覓之旬餘不能得自分無珠還望矣適陳以負販過其塾詢之確悉反之不受謝福五愧無以報作義思記以旌其事

王連元字中三西鄉淮里窪人性剛直重義氣好施與嘗慨捐腴地數畝爲本村建校舍邑令楊光衡以見義勇爲匾其堂丙寅冬捍首王德浩率大股入寇同日遭害者數莊擄去男女百餘人連元之次子長孫亦與焉後所擄者皆遇難惟其子若孫得以生還人謂善德之報其尤可異者次年連元被架不旬日匪勢瓦解亦得逃回家業賴以不墜當此萑苻遍野搶架橫行罹於禍不奇罹禍而能免且免而至於再則奇之奇易曰積善之

家必有餘慶洵然

王瑕南鄉迴河鎮人性機警有口辯人皆畏之一時有鐵嘴鋼牙說不過王瑕之語嘗與同里孫襄共貿易是年襄忽以暴疾卒未及殮瑕往哭之痛已而謂其家人曰吾與襄兄共事有年緩急之通時所不免惜倉猝溘逝負吾之債曾言及否家人曰未也瑕曰吾兩人交逾骨肉財物不分些須手尾償否可不必計言訖欷歔而去甫至門襄忽坐起命家人將瑕召回斥之曰通盤合計汝尙欠吾若干因擬不汝索故不使家人知汝何得反其辭以亂是非瑕唯唯襄言畢復仆瑕之無良由此益著特誌之以爲強詞抵賴者戒



李三子遺其名西鄉李家坊人素性頑劣待母如犬豕日事呵斥任意詬詈稍有不遂拳脚交加以是人皆惡之每有甘旨與妻享用雖餘瀝殘羹寧拋棄之不與也會民國十三年夏亢旱鄉人擡神祈雨結隊遊行分歷附近各村謂之出巡三亦攙雜其間行至中途見路旁突有稚鷄一頭三貪心萌動遂隻身尾追之約及半里許霹靂一聲卽遭雷擊當時見之者均故神其辭謂上有黑雲一片龍自雲端而下夫神怪之說儒者弗道觸電致死亦事理之常無足深究然村氓寡識藉藉傳聞咸謂忤逆之徒必膺譴僂之報其於世道人心所裨實大用誌顛末藉彰懲儆

晉王右軍書法妙絕千古人所罕見故蘭亭帖雖屬石刻尙少真本况墨跡乎倘得片紙隻字洵爲希世之珍相傳邑歲貢王福五家有羲之手書差涼帖字態生龍活虎有如天馬行空幾非人力所能爲歷代名書家如柳公權許衡趙孟頫沙淨和尚輩均有題跋於其後福五藏之什襲愛逾拱璧非至好不肯出示噫鳳毛麟角自在人間勿謂吉光片羽必不散見於巖阿也清顧炎武先生崑山講學固未嘗以工書名然道德學問亦旣爲世所宗倘得其臨池寸楮自必爲世所寶西鄉平風店文學王孝廉昭佑之子紹輔藏有先生當時與蒿菴手書數函其字態均巖峻宏整有如顏柳諸大書家令人可學而不可及雖零縑



片錦固拱璧也

王氏北鄉朱家小莊王某之妻不育者數年一日忽有感因受孕肋間卽突生一瘤日見長大不痛亦不癢遂聽之不療治胎足時瘡忽豁然大開突出一物視之孩也夫妻皆駭隣里聞之奔集一室有識者曰此不凡子也當報官王某如其言適陸邑令錦燧性好竒立即傳詢賞洋十元帛一匹米三斗令速回家善爲撫育云

艾張氏名希昭東孫耿鎮善行艾慶璇繼妻縣督學肇元之母也性端淑有女德佐夫治家置田數百畝好善樂施族鄰有貧不能婚葬者必周之不稍吝夫弟慶璋爲繼姑出分爨時已提出

濟陽縣志

卷二十

軼事志

雜記

八

田產若干使慶璋經理以爲繼姑養生送死之資後繼姑歿數年仍由希昭爲之葬一切費用獨任之鄉里播爲美談里人生玉堂因事在省誤罹冤獄無以自白行將處死希昭聞之立命肇元邀同紳商多人代爲赴訴得以保釋所有川費概歸自備無德色民國十七年景賢區立小學因經費奇絀勢將停辦慨捐五百元以資補助且信仰民生主義近年以來糧米雖逐漸昂貴其田租則概不增加由是名揚濟北邑人以坤德無疆匾其堂

按舊志凡文無所附暨跡近於詭而傳自古遠不可盡廢者列爲雜記今茲續修編次各門將竣見聞所及與夫昔



賢遺編所著錄間有關於吾邑掌故或事涉神奇有裨於世道人心而置諸各門無可附麗者正復不少雖一鱗一爪均當記錄故一併附載焉



祥異

人爲變於下斯天災應於上蓋天人一氣災變百出互相感召而毫釐不爽者也側身修省克挽造物之心捍患恤災自彌生民之憾爲民上者果能以一身周旋乎天人之間庶災不爲害而變復其常矣

周

定王五年秋齊魯大旱

顯王六年雨黍於齊

漢

文帝元年四月齊國地震

濟陽縣志

卷二十

軼事志

祥異

十

桓帝永壽元年白鳥見齊國

晉

惠帝永康二年四月彗星見齊分

北南朝宋

順帝昇明元年四月青龍見齊郡

北南朝梁

武帝天監十一年二月齊郡野蠶成繭

北南朝唐

高宗永隆元年濟南瑯琊二郡大水

宋



太宗建隆元年五月濟南府大旱

乾德元年濟南府饑

開寶二年濟南府及淄川皆大水

開寶七年濟南府野蠶成繭

淳化二年十一月壬辰填星與熒惑合於危

仁宗慶歷五年五月己亥流星入虛危

金

章宗明昌二年秋山東東路旱大饑

衛紹王大安二年四月山東東路大旱六月淫雨大饑斗米至千

餘錢

濟陽縣志

卷二十

軼事志

祥異

十一

元

世祖至元二年濟南府大水

二十二年大水

二十九年濟南般陽二路蝗

三十七年五月大風雨雹害稼

成宗大德五年十月有流星入於危

十年山東諸路饑

仁宗延佑六年山東諸路大水

泰定三年濟南路大饑

順帝至正二年臥龍山水通流入大清河漂沒上下民居千餘家



六年二月山東地震七日乃止

七年濟南路天雨白毛 二月山東諸路地震有聲如雷

十六年山東大水據通志增

十七年山東大饑人將相食據通志增

二十年山東地震雨白毛據通志增

二十二年二月彗出於危 四月丙子長星見在虛危之間

四十日乃隱

二十三年濟南東昌二路大旱赤地千里

二十六年八月大清河溢

二十七年五月地震據通志增

濟陽縣志

卷二十

軼事志

祥異

明

太祖洪武元年免山東夏秋稅糧據通志增

二年旱免山東租據通志增

三年旱免山東租據通志增

五年山東饑詔發粟賑之據通志增

十年山東大稔據通志增

十五年免山東租據通志增

十八年七月旱詔免山東秋糧據通志增

二十八年免山東秋糧據通志增

成祖永樂元年山東饑發銀四萬兩賑饑民據通志增



憲宗成化六年隕石據通志增

十年大稔斗米七錢

十七年七月霪雨害稼據通志增

二十年山東大旱遣官賑濟據通志增

孝宗弘治五年大饑據通志增

七年大稔

十七年旱自正月至九月不雨據通志增

武宗正德六年流賊劉六等攻掠山東郡縣都督劉暉等捕斬之

世宗嘉靖三年三月大風揚沙害麥據通志增

八年蝗蝻生

濟陽縣志卷二十 軼事志祥異

十三

十年復生蝗

三十一年秋大水

三十二年大饑據通志增

三十四年大稔據通志增

三十五年有年據通志增

四十三年四月天鼓鳴據通志增

穆宗隆慶五年五月大風雨壞屋拔樹

神宗萬曆元年濟南府大旱

十六年秋大雨兩月禾田生魚

十七年有年



十八年夏民間訛言選刷繡女一時嫁娶殆盡

二十一年冬有星晝見

二十三年二月初五日赤風自西北來壞屋拔木

二十五年濟南河井之水無風而沸諸邑皆然五月大雨麥

禾盡湮大饑

據通志增

二十八年大疫民死十之三

三十二年大雨害稼

據通志增

三十五年六月雨歷七月方止大水淹禾幾盡清河汜漲浸

至城隍

三十七年春夏秋大旱蝗飛蔽日大無麥禾

濟陽縣志

卷二十

軼事志

祥異

十四

四十三年濟南青州二府大饑

熹宗天啓元年二月三日日有兩珥七月蝗

據通志增

二年日有三珥二月地震三月地震五月太白經天十月天

鼓鳴有聲如雷

據通志增

五年四月太白晝見

據通志增

六年六月地震有聲如風

據通志增

七年七月大清河溢

毅宗崇禎九年天鼓鳴二次

據通志增

十年夏旱無麥

據通志增

十一年夏五月飛蝗蔽野禾苗立盡十二月初十日日生三



暈如連環據通志增

十三年閏正月元日雷電大作雨雪盈尺春夏大旱野無青草斗粟萬錢無糴處道殣相望發帑金六千兩賑山東饑民十四年春夏大旱斗粟二金人相食瘟疫大作死者枕藉十村九墟人煙幾絕

十五年三月雨雹二十三日地震發帑金二萬賑山東饑民免三年稅糧從前逋賦盡為蠲除據通志增

十六年正月初二日日赤無光又有兩日相盪十一月太白晝見除夕雷雨大作據通志增

十七年民間訛言元旦不出門不禮神不拜節夏四月逆闖

濟陽縣志 卷二十 軼事志 祥異 五

偽令搜羅邑紳子弟捐資助餉各三五百金勒限嚴比五月初一日大清定鼎據通志增

清

世祖順治元年七月霖雨害稼蠲除明季新增銀兩夏稅秋糧免

一徵二據通志增

三年春旱據通志增

四年濟南青州二府大水邑城屋盡塌麥俱湮是年邑人獲文豹獻之

五年夏大雨阡陌生魚往來筏楫禾麥俱湮

六年雨不破塊風不鳴條夏秋大稔



聖祖康熙三年夏四月二十三日隕霜殺麥秋旱無禾大饑冬無雪蠲夏稅五分抵六年夏稅順治十五年以前民欠盡行豁

免據通志增

四年三月二日地震春夏大旱風霾蔽日民饑發德州倉一

千石遣官賑濟夏稅秋糧盡行豁免已完者抵五年正項并

免順治十六七八年各項民欠至秋乃熟據通志增

六年春旱夏蝗害稼據通志增

七年六月十七日地震有聲據通志增

九年夏旱無麥秋蝗害稼免夏秋五分據通志增

十年濟南府屬旱蝗免康熙四五六六年民欠

濟陽縣志 卷二十 軼事志

祥異

六

十三年濟南府屬大旱四月十三日晝晦訛言采女一時嫁娶幾盡

十七年二月初九日天鼓鳴據通志增

十八年七月二十八日午時地震八月屢震據通志增

十九年旱十一月彗星見白氣通天兩日始滅據通志增

二十五年秋大水山東本年地丁錢糧盡行豁免據通志增

二十八年正月聖駕南巡免明年山東全租據通志增

三十六年輪蠲山東地丁錢糧一次據通志增

四十二年五月橫水深二三尺許平地舟行歲大饑詔蠲明年山東全租各奉旨賑濟



四十三年春大饑途多餓莩山東地丁糧米通行豁免據通志增

四十四年五月十八日大風霾拔樹掀瓦白晝如晦六月初

一日民訛作新年秋蚳蚘生免山東全省錢糧據通志增

四十八年正月元旦日有雙珥據通志增

五十二年始發帑銀買米貯倉免山東全省錢糧據通志增

五十五年濟南府屬大水

五十八年正月井水凍據通志增

五十九年六月初八日地震據通志增

六十一年正月朔日食據通志增

世祖雍正元年四月初七日午黑風自西北來始黃繼紅終黑白

濟陽縣志

卷二十

軼事志

祥異

晝如夜至酉時止山東省自康熙五十八年至六十一年分

帶徵未完錢糧緩徵一年據通志增

三年七月濟陽齊河等縣大水

八年水

高宗乾隆元年山東省從前積欠錢糧盡行豁免冬十二月二十

四日酉時天鼓鳴據通志增

二年水

五年聖駕北巡邑民趙國瑛年一百一十歲稽首道旁能言

國初事恩賜緞匹及盛世人瑞四字匾額

六年旱盛暑無蠅據通志增



七年十二月彗星出奎宿光踰尺至明年正月乃滅據通志增

十二年大水奉旨賑濟

十三年水

十八年三月太白經天據通志增

十九年邑民賈含福妻谷氏一產三男奉旨恩給米銀

二十一年二月二十二日辰時地震如雷據通志增

二十六年水

二十七年水 以上自順治至乾隆二十七年偶報偏災俱

邀恩賑卹見蠲賑

三十五年皇太后八旬萬壽通行蠲免錢糧十分之四

濟陽縣志 卷二十 軼事志 祥異 六

三十九年兗州王倫反蹂躪山東屬

四十二年正月皇太后崩大旱自二月至八月無雨一粒不

收人將相食普蠲天下錢糧仍分三年輪免

四十三年十月皇上南巡普免天下漕糧

五十六年三月十二日隕霜殺麥復萌不減收

仁宗嘉慶十年秋九月天雨血見府志

十七年三月二十一日黑風自西北來日曠無光

十八年春彗星見於西北光芒數丈至秋始沒

宣宗道光二年徒駭河水溢

五年夏彗星見



六年秋大雨

十年十月十六日子時地震一時餘方定申時又震二十四日又震

十一年五月初八日酉時地震

十五年蝗蝻遍野不第害稼草根樹葉均被食盡

十六年麥秀雙歧穀秀雙穗大有年野中桑樹上均有繭

十九年正月杏樹開花

二十年正月二十一日雷電大作霹靂交加

二十一年三月北風大作屋頂多被揭去河內北岸船隻吹落南岸真狂飈也

濟陽縣志

卷二十

軼事志

祥異

九

三十年三月十二日隕霜麥禾盡槁越數日麥苞復萌尙稱有年

文宗咸豐四年髮逆陷臨清省城戒嚴

五年正月十九日雷震夏蝗大雨秋黃河決入大清河漫溢秋禾盡湮房屋倒塌無數

七年徒駭河水溢

十一年正月朔日赤如火六月彗貫紫微垣七月秋始滅人染瘟病面黃食減無力嘔吐比戶皆然

穆宗同治元年二月二十六日申時黑風自西北來晝晦如墨飛沙揚塵拔樹掀屋烏鵲鷄犬觸木墜井死者無數兩時許變



黑爲赤六月瘟疫大作人死幾半民間訛以七月初一日作  
新年七月十四日夕流星南渡相連一夜不止彗星長丈餘  
直冲紫微垣八月始沒

四年正月太白晝見

六年夏五月捻酋任柱賴汶光等率大股匪衆自戴家廟渡  
河圖撲省城由千佛山下東竄

七年三月下旬捻匪由平原禹城臨邑商河等縣入濟南濟  
陽全境兵燹彌漫人煙滅絕凡月餘凡未及逃避者被害甚  
多六月十一日始東去至齊東之榆林村陳國瑞率師追擊  
之賊始蕩平秋七月熱痢流行傷人滋多老羸尤甚至冬乃

濟陽縣志

卷二十

軼事志

祥異

三

已八年冬十月內監安得海潛行出京至德州巡撫丁寶楨  
以聞得旨拏獲正法

九年元旦日食初三夜遍地火光二十五日風霾日曠

十年正月二十八日太白晝見

十二年正月有星下隕其聲如雷九月桃李華

十三年正月午時月晝見四月二十日地震有麥夏旱五月  
彗星見於內階

德宗光緒元年正月太白晝見有年

二年春旱無麥至閏五月十八日大雨始種五穀歲歉民饑  
有死者



三年旱民饑死者甚多

四年四月初六日夜雨雹數寸一時之久方止大如鷄卵禽獸死者無算麥雖被害復萌不歉收

六年四月日旁有兩珥如日形鬥數刻始滅有年

八年正月初三日夜雷大震四月彗星見於西北六月河決桃園西南兩鄉被水淹沒廬舍爲墟

十年六月太白經天河決豆腐窩西南兩鄉大水八月日赤無光朝夕天色皆赤

十一年五月河決李家岸全縣被水漕糧悉免

十三年河決桑家渡東北兩鄉被水八月黃河南決鄭州山

濟陽縣志

卷二十

軼事志

祥異

三

東河道斷流

十四年二月鄭工合龍河入東境仍由大清河入海五月初四日未申之際地大震有聲自西北來人自傾倒房屋搖動犬吠鵲噪炊許始定聞是日近海諸縣震動尤甚海豐陽信等處平地有陷如井者有拆裂數尺自縫中噴出黑泥中有蝦蟹魚蛤之類

十九年正月二十六日下午黑風自西北突起始黑如墨繼紅如火白晝如夜夏六月河決河套崔莊冬霧翳數十日

二十年五月初七日烈風疾雨帶雹

二十三年六月初九日疾風暴雨



二十六年六月旱日赤如血七月彗星見於西方八年太白經天是年也拳民起釁八國聯軍內犯北京失守兩宮西狩縣之仁風鄉一帶有拳民數百麇集玉皇廟誤斃游擊查某巡撫袁世凱命管帶倪嗣冲幫帶雷震春率兵來討擒斬張兆端等數十人無知健兒株連甚夥

詳拳匪紀略

二十八年六月瘟疫大作人死無算民間不通慶弔

三十三年夏六月十九日(仲伏第三日)始雨穀豆等類並種至秋大熟霜降節後十日始穫紅糧乃熟

三十四年春旱無麥三月十二日巳時日套三環五月下旬雨始得播種後復大旱禾稼俱槁立冬後始得種麥十月慈

濟陽縣志

卷二十

軼事志

祥異

三

禧皇太后暨皇帝相繼晏駕聞是年濟南花園竹開白花亦異事也

宣統帝宣統元年春大旱三月初八日昏月套三環

二年二月微雪初晴日現三環三月十九日寒風終日夜隕霜殺麥越數日麥苗復從根生至日至之時皆熟但稍減分數四月彗星見西方數日漸沒七月粗風暴雨拔樹甚多及秋種麥有言經霜麥種不能萌生者後亦無異十二月歲除日自卯時風雪至夜風雪帶雨培門塞戶冰水盈庭直至三年元旦巳時方止俗名天哭

三年元旦大雨雪深尺餘親族不能交拜二月初四日戌時



有火光自東北向西南行火滅無雲而雷四月太白晝見六月彗星直冲紫微垣至八月始歿八月十九日武昌革命軍起義全國十五省相繼獨立十一月清廷遜位明年中華民國成立

### 中華民國

中華民國元年各屬盜匪擾亂民不聊生

三年六月西鄉一帶雹深尺許田禾盡沒厥後根部萌生秋又成熟

六年五月桿首顧得林率大股匪徒由商邑入濟經過堞石橋廟廊廡等處幸官兵跟踪追擊未敢肆意搶擄比追至艾

### 濟陽縣志

#### 卷二十

#### 軼事志

祥異

三

家欄迎頭痛擊匪衆據莊抵抗計傷亡軍官及兵士十餘人是役也雖未能聚而殲旃而匪亦自是遠颺矣是年宣統復辟未幾失敗

七年秋瘟疫流行傷人甚多

八年夏大旱蝗蝻遍野穀禾不收秋後復將麥苗食盡明年無麥

九年春無雨禾苗未種麥不歸家伏日始雨穀豆並種秋歉收糧價甚貴

十年春又未雨大饑歐洲各慈善家來濟施賑以救貧民十二年春多雨冬無雪天氣甚暖



十三年元月初二日大雨溝澮皆盈

十四年五月土匪猖獗搶架勒贖之案日常數起殷實之家被害甚苦

十五年大旱五穀歉收匪氛益熾冬淮里窪淮里莊暨褚家圩子先後被大股土匪挨戶搶掠肆意殺戮並擄去男女多人慘不可言

詳票匪紀略

十六年兵災匪患交集閭閻一空

十七年北伐成功華北統一

十九年南北軍憑河作戰自夏徂秋兵連禍結土匪遍地民不聊生

濟陽縣志

卷二十

軼事志

祥異

十四

二十年四月濬徒駭河全縣按畝出夫耗費無算

按祥異之說固近代儒家所弗尚然疇曩故事每樂聞之嘗見鄉村父老興作餘暇就豆棚瓜架抵掌縱談謂某年水火某年荒旱某年兵災與天札雖事過境遷言之猶有餘痛諸少年環拱靜聽亦如臨師保而對神明蓋事雖涉於荒唐未始非維繫人心之一助也比而誌之意在斯乎



跋

余於民國九年春廁身公界竊聞歷任賢有司接篆伊始汲汲焉索閱縣志以爲施政之張本卽邑人士之得閱是書者亦輒引以爲快惜歷久未修不免有文獻不足之歎清季王孝廉昭佑等曾議重修民十一年盧公子嘉督浙時亦議及此均以茲事體大致未果行迨民一八年黨國底定庶政維新一切改革建設胥於文獻是徵繆縣長復商余招集黨政各方倡議舉辦當是時卽有延訂王先生麗泉擔任續纂之約詎事將成而又復寢邑志之關係地方政教前途者旣如彼續修之艱難波折屢遭中輟者又如此良可慨也是年王麗泉先生追隨李司令駐節河南參贊戎機余

亦考入山東省區長訓練所肄業每屆星期赴省圖書館參觀取閱各縣縣志統全省而最近新修者固未有自清乾至於今幾近二百年而一次未修殘敝如邑乘者實不數數觀感觸之下殊覺憾然畢業旋里復值南北軍事地方疲於供應奚暇計及文獻哉未幾膺許李兩縣長之邀充任縣府秘書公餘談次輒以修志之事激勸而慫恿之是時何君憲民掌全縣教育亦以續修邑志爲分內事爰糾合地方領袖組織籌委會諸同仁羣策羣力不數月而籌有端倪並公推平階子駿俊甫會甫四人代表赴津與盧公子嘉接洽行且設局分職從事工作矣李縣長因事去職余亦脫離縣府一時修志事宜又不免稍受影響幸新任路縣長以通儒



宰吾邑視掌故如拱璧庶政就序之後諄囑繼續籌辦毅然以完  
成相期許並電請麗泉作速歸計總其成子介夫子副之平階夫  
子暨俊甫仁甫子珍諸兄或專任文牘或兼辦庶務余與憲民兄  
主任其事相助爲理遵照原定計劃歷兩年而稿昉告成懿歟艱  
哉余固學識淺陋深愧無補但綱目之釐訂章次之編磨亦曾與  
其事於以知修志之難而成書之更不易也茲者招工排印行將  
蒞事謹贅數語於簡末俾覽是書者悉其梗概云民國念貳年春  
邑人柏永濟謹識



附記

謹按本志列傳凡例人於生前無傳必其人既歿其行可傳然後爲之立傳以示鄭重又按本志敘事凡例斷自民國二十一年其二十一年以後之事概不闌入以清界限蓋珥筆纂書體裁固應爾也惟篇中所載盧督軍永祥之歿世與安隊副清如之伏法兩事均在二十二年而竟不惜破格以摘錄者何哉是可深長思矣盧之督浙在民八九年間時各省督軍方醉心武力日擴軍隊以求自衛致國家兵額愈增而人民愈受其害盧氏洞見癥結首倡裁兵廢督之說以救時弊一時中外欽爲名言天下仰其丰采雖僅託之空言並未見諸實事然其人其事足傳千古矣故乘梓工

未竣之際特撮其生平崖略以次於藝文志傳贊之末自爲無溢詞無阿好也安之任職在民二十年八月間當其時官箴淪喪賄賂公行魑魅魍魎日充塞於人間被害人民至敲骨榨髓亦敢怒而不敢言得此一番懲創貪婪之風或可稍殺是以大書特書惟恐不詳且盡也噫嘻立言務求得當紀事首貴扼要崇讜論以寓激揚藉貪官而昭懲勸良工心苦不難於字裏行間得之幸勿率爾詆譏謂操觚者之自相矛盾也

嗣鑿自記



濟陽縣續修縣志刊誤表

冊數	卷數	數頁	數面	數行	數字	數字	數正	誤
一	首	舊序八	二	一	九	九	他誤作地	
一	首	新序四	一	五	二四	刪誤作冊		
一	首	新志一	一	八	一	襄誤作監		
二	二	一	二	九	一三	患誤作悉		
二	二	二	一	〇	一〇	鳥誤作鳥		
二	四	三	二	五	一四	難誤作雜		
二	四	三	二	九	一〇	為誤作謂		
二	四	一三	一	二	五	四誤作二		
二	四	一三	一	二	七	五誤作九		
二	四	一三	二	二	二〇	料誤作斗		
二	四	二六	二	六	五	兩誤作四		
二	三	二六	二	七	三	鋪誤作鋪		
三	五	一	一	〇	八	下漏黃河二字		
三	五	一	二	一	一七	煮誤作蕘		
三	五	三	一	九	一二	今下漏一之字		
三	五	六	一	六	二二	東字下漏一北字		
三	五	二六	一	四	九	張誤作蔣		
三	五	五九	一	一	二二	擅誤作抗		
五	九	六	一	八	三	珍誤作修		
五	九	一〇	二	四	一三	下二年誤作年二		
五	一〇	五三	二	五	三	鷄誤作鷄		
五	一〇	五三	二	八	七	賜誤作賜		
五	一〇	五八	二	一	五	荏誤作荏		
五	一〇	五九	二	八	一〇	下多一南字		
五	一〇	七八	一	三	一五	營誤作營		
五	一〇	七八	一	四	六	營誤作營		
五	一〇	七八	二	七	一九	峻嶺誤作嶺峻		
六	一	五	一	六	一九	寇誤作寇		
六	一	五	二	五	四	寇誤作寇		

濟陽縣志

刊誤表



濟陽縣志

刊誤表

二

十	十	十	九	九	八	八	八	八	八	八	八	八	八	八	七	七	七	七	七	七	七	六	六	六	六	六	六	六			
一七	一七	一七	一六	一六	一五	一五	一五	一五	一五	一五	一五	一五	一五	一五	一四	一二	一二	一二	一二	一二	一二	一一	一一	一一	一一	一一	一一	一一			
三九	三	二	六三	五	八一	八〇	七五	七五	六八	六七	五五	五四	五一	二二	五	七	七	〇	〇	八	八	七	四	六九	六七	六〇	五五	三三	三一	一四	
二	一	二	一	二	一	一	二	一	一	二	一	二	二	二	二	二	一	二	一	二	一	二	二	二	二	二	一	一	一	一	
九	九	五	三	一	八	三	三	二	六	四	一	八	三	二	三	一	〇	〇	四	七	六	九	六	一	一	九	〇	〇	五	九	
一一	三	二	一	八	一	六	二二	二三	七	四	一七	一	一	八	二〇	四	二	八	九	一四	一	七	一三	二	一	一八	九	一七	三		
夫誤作天	母誤作毋	母誤作毋	鳥誤作鳥	樓字下漏一倉字	水誤作少	八分下漏八分二字	謂誤作爲	存誤作在	零誤作雫	旱誤作早	告誤作名	予誤作子	一下漏一可字	材誤作村	勅誤作勒	閻誤作閻	下遺一自字	下多一自字	永誤作安	綱誤作網	承誤作永	傅誤作博	趙誤作越	王誤作艾	下多一額字	京誤作交	口誤作戶	下漏一活字	租誤作租	肉誤作內	紱誤作緩



濟陽縣志

刊誤表

三

十一	一七	六四	二	六	六	水誤作陽
十	一七	六九	一	一〇	十	儒誤作孺
十	一七	七〇	二	四	八	鋪誤作鋪
十	一七	八四	一	六	八	顧誤作類
十	一七	一〇四	二	一〇	一四	已誤作也
十	一七	一一一	一	一	一〇	下漏一為字
十一	一八	一〇三	一	六	八	經明誤為明經
十一	一八	七	二	四	二〇	慕誤作慈
十一	一八	二二二	二	六	六	下漏一也字
十一	一八	四〇	一	七	一七	勢安誤作安勢
十一	一八	四二	二	六	二〇	鐘誤作種
十一	一八	六八	一	三	一三	爪誤作爪
十一	一八	七四	一	三	五	濟誤作泰
十一	一八	七五	一	三	九	舟誤作錢
十一	一八	七五	一	三	一三	錢誤作舟
十二	一九	一七	二	一〇	四	爪誤作爪
十二	一九	一九	一	一	三	腸誤作觴
十二	一九	四六	一	一〇	二	鋪誤作鋪

邑人

覆校

張中和

李兆範

艾肇霖

孫宣三

張鴻恩

艾肇元